

纂志姓氏

纂修

欽加運同升銜 賞戴花翎升缺升用調授隴州正堂加四級記錄一次記大功十七次 唐松森

協修

采訪

隴州儒學訓導何朝重

州 歲 貢

李煥文

隴州吏目右堂徐文翰

州 選 貢

李自箴

參訂

州 附 生

石蘊瑛

候選訓導州歲貢馬舒範

州 附 生

宋文錦

州 歲 貢 丁全斌

州 附 生

鄭為命

州 歲 貢 馬澄本

州 附 生

石葆瑩

州 歲 貢 張寶箴

州 廩 生

張景綱

候選訓導州廩生劉承基

州 附 生

馬驥譽

較閱

候選縣丞州廩貢朱正午

州 附 貢

徐 慶

候選訓導州附貢陳志昌

州 歲 貢

馬祥河

隴州鄉土志目錄

歷史

政績

附前代應請入祠名宦

兵事

耆舊

附名宦節義

人類

戶口

氏族

宗教

實業

地理

附城內外各區古跡祠廟坊表橋梁市鎮學堂

山

水

道路

物產

商務

隴州鄉土志一

謹按隴州地踞汧渭之間名肇周秦之上初號秦城非子於此養馬繼稱汧邑文公依此卜居有自來矣何其盛哉後雖名目屢易升降不常固歷歷其具在宜一一而詳徵溯厥原始以符今名俾知沿襲用資見聞



歷史 弁言

地必有名

名於何始

歷攷前朝

追溯緣起

援古證今

舉集於此

鄉土志中

首及歷史

唐虞夏商周之際俱屬雍州

春秋戰國屬秦

秦自文公卜居於汧名汧邑

漢置郁夷縣汧縣屬右扶風王莽改郁夷為郁平後省

魏晉屬扶風郡

後魏置隴東郡及汧陰縣兼治東秦州後改縣曰杜陽後周為汧陰縣

西魏改為隴州隴州之名始此

隋大業三年州廢置汧源南由二縣屬扶風郡

唐復為隴州領汧陽汧源吳山三縣屬關內道

天寶元年改為汧陽郡

宋為隴州領汧陽汧陰吳山隴安四縣總屬秦鳳宋之秦鳳即今鳳翔府

宋金為隴州治汧陰縣既以頻被水患移城汧河北岸即苟氏獻地所建者今治是也從此改汧曰汧陽旋又改汧源杜陽皆附郭邑也隋又治隴安吳山二縣後改吳山為南由長蛇又改含州華山等名皆附近吳嶽之地也

元為隴州領汧陽汧源二縣改屬鞏昌路罷防禦使為散郡省併吳山隴安二縣入汧源縣

明併汧源縣入隴州隸鳳翔屬縣一曰汧陽嘉靖中併歸於府

國朝因之

隴州鄉土志二

謹按隴州地雖褊小俗尚敦龐無鴛鴦不馴之民阻慈祥為國之化况循良之政原不擇地而施則惠濟之懷又可因時而致蓋備紀芳徽不惟可資治蹟歷叙善政亦足用勵後賢故此詳究詳書俾得毋遺毋濫而已

政績

弁言

出身加民

古訓是式

興利當殷

除害尤急

折獄片心

克稱厥職

史冊猶存

善哉政績

秦永和字勳之山西潞安進士乾隆中知州事鹽課併入地丁之初胥役里差即苛加大耗公知大干例禁通稟上台撫院秦出示嚴懲公即立石四門刊示曉衆以永遵守近雖仍蹈故轍而公祛弊之惠政固與碑碣並峙矣

李承道字忠卿山左孝廉乾嘉之際官知州時流差煩重士紳不免公慨然曰無惑乎流亡不返士氣不伸而文風不振也安有衣冠文物之子而下同村粗役道路於文明之世者乎乃定規勒碑凡應文武試者免力役入庠者免雜征一石舉貢倍之由此始有讀書者

王道行字公安貴州選貢以書法名一時嘉慶初官知州值西征差徭正繁而採買陋規幾激事端公力革其太甚者酌中定為限制一切行用支銷之數皆刊石分勒城鄉各廟以防黠猾暗損農商感焉近復變本加厲而公惠民之政固未泯也

錢鈞字和卿嘉慶中由衍聖公伯生官知州見 聖廟禮器殘缺大失國家崇祀之制乃捐廉購備躬率指引舞儀方有可觀而樂譜正資教導竟以計典卓陞去盛舉廢於垂成士論惜之

張利溥字沛軒逸其里籍嘉慶中兩署州事以除盜安良為務凡犯案至再者雖敲脛折骨不卹也一時竊案頓熄乃約耆紳曹元善等具稟詳請上台拆關山營遊府廢署改修州治行台為書院額曰五峯前列號舍備州試中為講堂備肄業後三堂作山長寓室隴之有書院自公始伸理冤獄甚多頌聲延於隣治皆為精明如公宜得實補已而果然

孫世藻字水軒錢塘進士嘉慶中知州事性慈祥不任刑而訟無冤抑嘗便衣遊城外見農圃力勤者必與款談鄉人多不識每於無意中探得獄訟情實凡審斷鄉老多環聽以為中肯

馬國翰字竹吾山東歷城進士道光初知州事尊崇文教以德化民朔望講聖諭卧碑甚勤風雨之阻必補行之嘗苦書院膏獎甚微自主講席節修俸以益之循循善誘士民欽服一時文化大振尤長於聽斷有劉李兩案五年蔓訟皆上控委審而未結者也公以計折服在任五年斷無不結之案上憲悉嘉焉

衛緒渙字文然江右孝廉道光三十年知州事次年髮逆入湖湘擾荆豫山陝戒嚴公以城垣多傾頽即籌捐先修南月城二洞次補塌隘未二年而工竣愚民有怨言不恤也及回變作隴以預備無虞始感公先機之明且謂款歸實用費無虛糜是才也皆明也

屈純善蒲城孝廉以名犯嫌改元善貌似東坡字蘇愚咸豐八年官學正以維持士類轉移文風為己任每日除會講外即危坐觀書不預外務嘗云學署乃館也非官也以官氣為之則俗不可耐矣故雖兵荒之日而從學之衆與書院埒後以道梗籍隴卒於任及門者附主於方公祠

方玉潤字友石雲南寶甯廩生同治初以軍功官州同博學能文書法名於時因避亂寓州城士多從學周振初聘兼主講啟迪良殷不

重詞章故師弟多逕庭尠有得其傳者所著鴻濛室叢書三十六種授梓過半惟神機三略平賊廿四策為當道所重年六十委權沂陽榷厘梅湖卒於差次返葬於州之木塔寺後生時所定穴也及門念其整頓書院振興詩字兼子姪皆先後殤為醜貲立祠並附祀款於書院以永祭埽戊戌瀋山謝葆靈觀答由甘來訪而墓木已拱蓋昔年詩字契友也及祭以詩文並封墓勒石題曰滇南方友石先生墓

牟標字曉峰甘肅狄道進士同治二年太府以邵前牧殉難省道不通由長武厘委調署州事時方經亂民心危急公以杯酒靜鎮之惟徹夜勤巡防守而已既以杜陽首鎮悞信回紳馬富貴保護之言為其所陷北山一帶豈可再中詭謀乃偽設蒸羊計邀回首孫有林至署若為託祕謀也者至即縛斬之者紳謂必賈禍跪泣乞命者近千人公毅然不顧遂有出城僭逃者次明而孫黨之伏北山者悉遠竄從此巢穴一空並早殺晚破之謠亦熄人方服公見之明行之決非胸有韜畧不至此惜來任遲而出缺早耳

何文蔚字豹南富平孝廉同治九年官學正學問博洽品誼方嚴待

諸生懇款如一遇秀士訓飭加嚴嘗令勤學數生立會文社限日分主
社會納卷於學署改削不憚勞周牧伯以從學者多延蕪山長師
生愈見契合故生服教而歿感德云

周鸞字振初貴州金筑例貢同治十三年官知州性和緩而事勤
能嘗以虔祀電神故公兩任隴並無電災民甚感之初到任即慨捐
八百緡錢補修書院延聘分州方友石兼主講不特惠溥士林亦不
負湯樹齋前任之殷囑也光緒初旱荒成災公倡捐籌賑不遺餘
力全活鳳岐乾醴難民亦多遠近頌之

龔慎圖字和仁福建閩縣監生光緒十一年官知州尤虔於祀事常恐
民復有兵電之災不但民受其害亦地方官莫大之恥也誠敬在我何
神不通每於立夏之先即致齋如儀不奉行虛文果有應又念煤窰
常傷生命譟文祀之遂亦免害嘗捐修 文廟改建 文昌宮
奎星樓以及西鎮亭殿等工各不下數百金病亟時又捐津貼孤貧
緡錢五百發商生息

邊祖恭字子允河南封邱孝廉光緒二十年秋河不靖太府以公有
幹才委署州事欲以屏藩關輔甫下車即籌款修城浚池糜費

近萬金而無妄用力役至月餘而民無怨言又以餘款修北河堤以保城垣防冲潰至今城堞增高壕池加深皆公惠也常謂州城非極執不可而北城為尤急但有志未逮耳去任時猶以為歉不第吏畏民懷除妍革弊已也

董瀛字仙洲直隸人光緒丁酉以供事官知州英年老成居心慈厚每年十月朔即捐備米石以賑貧寒至正月底乃止如此三年費逾兩千金不吝也赴調首邑時不取減成印契之人奉匪起京師即棄官尋母雖兩弟被戕而壽昌生還上台嘉其孝令回隴任僅月餘以疾出缺皆為第一循良而惜不久於其位亦州民之不幸也傷哉

附錄晉代應祀名宦

馬敦元康七年以關中侯督守汧城時氐羗安而復叛因攻於汧城將陷賴侯躬率兵民效死固守者月餘始易危為安乃忌其功者反罪以專制下隴獄久之帝悟詔釋已於九月十五日瘦死獄中潘安仁西征過隴義而哀之為之誄以慰中魂誄稱扶風馬君亦鉅下裔也俗傳隴州獄神既侯未見載籍理或然耳想係司獄者

奉之也究宜以保全危城之功先崇祀諸名宦各位之前

謹按侯名敦與伏波將軍次姪名同漢晉相距未遠既係宗族何至後犯前諱古之君子必不如此闕以待攷可也

附錄明末應請入祀名宦

胡爾純山東費縣孝廉崇禎八年官知州流賊攻城竭力固守吏目王錫衮通賊城陷不屈自縊

文應麟廣西興安縣孝廉崇禎十三年任知州值城陷之後流亡未復公招集撫字勞惠備至久之以丁憂去民泣送之

謹按二公雖載舊志而未得仰邀國家崇祀

恩榮非所以勵風化而慰忠魂也因附志於此

附錄公擬請祀名宦節略

邵輔字清齋安徽績谿孝廉咸豐十年由葭州調知隴州事矢志清廉存心撫字朔望謁神必揭帖城隍廟柱曰邵某無才無德忝膺民社如有貪贓枉法縱放家丁貽害赤子等情乞神明降鑒云云其持心如此同治元年八月鳳回叛擾州境公恐結連甘省必致燎原若扼之隴關直星火耳乃招丁壯練鄉團初禦之馬家山

再追之魚龍川公被戕其姪象乾殉焉時黃霾蔽天咫尺不辨
回渠即斬戕官五騎首以首級祭公歿處然果從此不可撲滅矣
皆謂公料敵之智任事之勇為國之忠固宜長生祿位廟祀
千秋西安多公祠之附祀隴州專祀之敕建皆開名宦榮卹之先
路耳

湯敏字樹齋安徽旌德監生同治四年署州事隴地接秦鳳軍徭
倍繁賊尤注重公日則籌餉備賑以安兵民夜則登陴巡城以防攻劫
又不時徒步街市平爭端答妍細憇息西南兩城門稽出入以示開
適鎮人心也隴之孤懸西陲得圖存於強寇環伺難民麇集之餘
者皆公賜也其再造政績本不勝錄嘗於投誠鷓部中僅得什
伯之一二焉據云渠等丙寅五月之大舉掠麥丁卯九月之伺隙攻
城皆欲甘心於隴次及鳳寶至則結其靡遺塌陷完築大失望乃
暗通莠民期內應迭遣悍黨樹雲梯趁邱洪等驟軍之開明仗
隨靖安各潰勇之突入城皆因利乘便計也卒未得一逞後雖受
安插於張家川等處原持隴為東道主以施蚕食之謀耳公亦
預羈縻之使不再肆鴟張渠魁因作蠻語曰公天威也不敢復

望得隴矣然功由此著者忘亦由此深竟以救時良吏反蒙通賊
惡聲不然三品道銜綏德直隸州知州之陞詎足酬公哉某等
近沾明惠具有天良謹以長生位奉公而待專祠之勅建名宦
之榮祀云

隴州鄉土志三

謹按州境關隴障於西北吳嶽環於東南中惟弦蒲之藪下通龍口之川不足百里之遙謹約三里之濶順流之水其名為汧並無廣廓平原足資戰陣亦無強匪黠寇據為穴窟雖隗囂入陝由隴抵楊政破金於方山皆屬暫取之道而非久踞之巢因詳為歷勘縷為分晰如左

兵事

弁言

有文事者

必有武備

整旅觀兵

臨事而懼

好謀而成

其乃有濟

有勇知方

慎哉兵事

漢時隗囂叛據略陽屢由回中隴坻入寇隴州固上下往來所必經蹂躪或較苦耳竇未朝夕駐足踞地交兵也

謹按略陽即今秦州清水縣地在隴之正西中隔隴坻即今大關山道回中宮即今小關山道

宋南渡後金人始據方山原與竇難之和尚原遙相援應負固寇掠為楊政所破退踞魚龍川之大寨立木為城依山為固政即以所得方山原之糧儲兵械乘勝破之火其木城今名火燒寨與殺

金峪趕金溝不遠雖經兵事究非宜戰之地

近攷方山原在西鎮吳山之西北州治之東南其原之東西北三面皆
陡絕懸崖千仞曲徑百盤不啻羊腸鳥道也然原濶不足二里且
無水泉可恃每汲於十里外之深澗中而且夏流東涸之谷所謂
坐困之地也金人爾時縱不經楊將軍之破亦必不能久踞雖
南倚吳山亦何益哉故我朝開國之初吳逆餘孽亦嘗據之不
久悉為大將軍莫洛所滅

牛頭山在吳山東十里明末流寇嘗據之被生員張文元引洪文
襄公之兵由間道破之

同治元年十月鳳回叛竄州境初踞州南二十里之馬家山以山為回民
所居非擇地險也經邵牧伯率團勦之退入魚龍川之火燒寨以其
地有財帛糧儲可恃也邵公又率勇躡追之遂被害從此州境常
受遊賊之災再無駐紮之賊亦無地可容耳

謹按隴州最著者耆舊首推苟公攷事蹟而具在竟名字之不存
自前明中葉有閩靜樂先生就其家塾建崇經之閣以藏書
遙對沂山廣講學之院以造士遂至哲嗣光甫參甫二閩噪闕
中之名以及後裔文子文孫進萃一門之盛建功業則簡冊增
光論學問知淵源有自此後文明寢晦甲科漸稀沿及我
朝值文運之方盛僅得庶常吳之瑜一人因稽舊志之所無以
備一格之足證而已

耆舊

弁言

老成宿儒

得天獨厚

先正典型

後學趨步

事業學問

足為程度

遺範當前

勿忘耆舊

苟公唐時人逸其名字祠墓僅存碑碣無攷然頒賜祭文稱其
惠濟公忠獻地建城績著唐宋二代褒封則非子虛矣祠中二
像左為靈義侯右為靈順夫人蓋因州治先在沂河南岸之原
古秦城地迭被水患公獻河北業地改築之即今治也故祠墓
皆在署之後地方官春秋致祭

閻璿號靜樂正統間以鄉科官教職歸閻靜樂堂為家塾中建崇經閣以遂藏書宿志正德中哲嗣光甫參甫以甲科啟歷中外又購書益之而經史子集略備隨擴其址為沂山書院割院外腴田百畝供膏獎歲延名師教育之長沙李東陽喜其多造就為之記

劉波字澄源幼從長安馮仲好先生學有心得為書院上舍不應科舉已而就祿盤屋訓導以所學授諸生或迂之公曰吾職司所在理當盡他何計焉諸生從不忍去流賊日棘致任歸遂及陷城之難

閻奉字昭陽明末州廩生靜樂先生裔也孝友端方素孚衆望以流賊亂棄舉子業迹跡蒲藪峪之天成堡閉戶讀書不入城市者五十年名士多從之學成就日廣學臣以人才薦不出學使潘見所著易知錄大學述旨復齋心課等書以經明行修扁其門卒後門人奉遺囑棄其稿不刊行

曹遼字選卿乾隆時官府谷教諭諸生有腰纏歸自揚州者感其名籍之未被詳黜也以白金數百為壽公不納已而告終養生貲送至家暗置原封於行篋及公知而生已去久乃以之置常棗田六十畝歲積租入永給州學鄉試科資龐之有科資自公始